

溫

州

經

籍

志

溫州經籍志卷二十五

瑞安 孫詒讓 編

集部

別集類

明

項氏

所

竹齋小稿

千頃堂書目十七

佚

戴良抱一翁傳翁喜辭章善音律所著有竹齋小稿

九靈山房集十九

林氏

溫

栗齋集

千頃堂書目十七

東嘉先哲錄二十作栗齋文集萬厓溫州府志十七作詩集

佚

宋濂林伯恭詩集序詩心之聲也聲因於氣皆隨其人而著形焉是故凝重之人其詩典以則俊逸之人其詩藻而麗躁易之人其詩浮以靡

詩少集卷三
苛刻之人其詩峭厲而不平嚴莊溫雅之人其詩自然從容而超乎事物之表如斯者蓋不能盡數之也嗚呼風霆流形而神化運行於上河嶽融峙而物變滋殖於下千態萬狀沈冥發舒皆一氣貫通使然必有穎悟絕特之資而濟以該博宏偉之學察乎古今天人之變而通其洪纖動植之情然後足以憑藉是氣之靈彼局乎一才滯乎一藝雖欲捷騁橫鶩以追於古人前之而愈卻培之而愈低幾何不墮於鄙陋之歸此濂於伯恭之詩不能無感焉伯恭博極羣經而尤長於春秋嘗應書鄉闈寶冠多士伯恭年始二十餘一旦名動海內自時厥後學益加脩遂擢至正甲午進士第歷佐省憲二府正色直言百王畏懼時出奇計翦三逆豎如烹狐兔則其所養之充是氣浩然弗撓弗屈故其發於詩也沈鬱頓挫渾厚超越大雅奏而黃鐘獨鳴也武庫開而五兵森列也洪濤怒張而魚龍出沒也一展卷間呈珍獻異可欣可愕精神爲之震

眩源前所謂聲因於氣皆隨其人而箸形者豈非然耶豈非然耶世之學詩者眾矣不知氣充言雄之旨往往局於蟲魚草木之微求工於一聯隻字閒真若蒼蠅之聲出於蚯蚓之竅而已詩云乎哉永嘉舊傳四靈詩識趣凡近而音調卑促近代或以爲清新者竟競摹倣之濂每謂人曰誤江南學子者此詩也聞者且疑而且信焉今吾伯恭之詩出一洗習俗之陋信知豪傑之士自有其人也故敢執筆直題於首簡世有知言者必深有取焉伯恭名溫姓林氏溫之永嘉人

鑒坡別集二

東甌詩集七林溫與弟伯庸俱以詩名所著有栗齋集

案栗齋林教授溫萬厓溫州府志文學傳雍正浙江通志乾隆永嘉縣志文苑傳並有傳

林氏

常

夷齋集

千頃堂書目十七

佚

千頃堂書目十七林常夷齋集字伯庸永嘉人本府儒學教授

余氏

堯臣

菜薹集

千頃堂書目十七

佚

列朝詩集甲集前編十一余左司堯臣早以文學著客居會稽無意仕進於越之桐桂里治圃結茅署曰菜薹已而入吳居北郭與高啟張羽爲北郭十友卽所謂十才子也啟送唐肅序曰余世居吳北郭同里交善者惟王止仲一人十餘年來徐幼文自毗陵高士敏自河南唐處敬自會稽余唐卿自永嘉張來儀自潯陽各以故來居吳而皆與余隣於是北郭之文物遂盛矣羽續懷友詩序曰予在吳城園中與余唐卿諸君游皆落魄不任事故得留連詩酒吳亡之後與楊基徐賁同被徵謫濠洪武二年放還授新鄭丞此見於高啟會詩者也曰司馬又曰左司必東越鎮將版授之職銜而今不可考矣

靜志居詩話高季迪春日懷十友詩於余司馬堯臣云列戟衛嚴關應
無休沐暇夜飲余左司宅云燈銷月窺闌角警霜委砌苔余左司沈別
駕元夕會飲城南詩云故人念我有二子省內郎官府中佐徐幼文菜
藟詩題爲永嘉余唐卿左司賦然則左司之稱本於越鎮將版授而司
馬之銜疑唐卿曾仕於淮張也

明詩
綜十

案茶藟余縣丞堯臣雍正浙江通志乾隆溫州府志乾隆永嘉

縣志文苑傳並有傳

王氏

份

玉雪臺集

千頃堂書
目十七

佚

東甌詩集七王份字仲質永嘉人有玉雪臺集

案王仲質事跡無攷東甌詩集七次於南堯民前

續集六次陳
高前疑誤

千頃堂書目十七亦列其集於洪武時東甌詩存十七載虞環

菴原璩王從質客死潘山輓詩有吾鄉儒術久凋零幸爾斯文

尙典刑之句從中聲近王從質疑卽王仲質也

南氏

堯民

梅雪窩集

千頃堂書目十七

佚

東甌詩集七南堯民字思尹樂清鴈塔人洪武初徵不起有梅雪窩集

傳於家

劉氏

南金

壺山行雲集

千頃堂書目十七○雍正浙江通志二百四十九萬麻溫州府志二十七集並作稿

佚

徐氏

興祖

徐橫陽文集

東嘉先哲錄十

佚

東嘉先哲錄十徐興祖嘗受書於鄭伯玉受詩於周可仁受易於史文璣盡得其學故於義理尤極精粹至於子史百氏亦靡不研究遂以其

學行為一時賢士大夫所譽愛因其所居稱之曰橫陽先生文彙若干

卷藏於家

原注胡祭酒文集

案徐橫陽文集府縣志未載今亦未見傳本惟永嘉先哲錄十

張學正謙下引其文一條

見卷一 張謙易本義集說下

其卷帙今無可攷

王氏齋蓮塘集

千頃堂書目十七〇雍正浙江通志二百四十九萬麻溫州府志十七乾隆永嘉縣志二十三集並作稿

佚

齋自撰壙誌年二十執詩經登蒼岩先生蔣公文質之門棄去科舉文

取歷代史及唐宋諸大家文讀之與鄉中諸老高公應文陳公叔晉孔

公正夫陳公子上相與切磋所著文彙四十卷詩彙十卷

瑞安王氏錄本

張氏著永嘉集

十二卷

愛日精廬藏書志三十四

存

海虞自言叔氏北遊聖門名簪四科故代稱爲文學里元至正中永嘉
張先生暨昆陽鉅儒鄭東季明鄭采季亮避地來居同以經術文詞鳴
於是吾邑文學益盛於一時矣天朝底定九有洪武庚戌肇設科舉以
取士時二鄭旣沒先生以易經起家與邑人鄒立誠九思黃著昭夫唐
溥彥博偕中鄉闈而先生名在後列授膚施令陞臨江別駕以終訥生
後弗克親接緒論蚤歲卽交先生嗣子規運生得覩遺藁而私淑之先
生之學根柢乎六經旁及乎子史羣書故理明氣昌爲文紆徐曲折或
約或豐而動合矩度至其發於聲詩亦克備兼眾體

或雅贍

而春容或流麗而俊逸賦景寫情曲盡其妙故訥每獲誦之未嘗不深
嘆而敬服也今年祇命出按江洶道過鄉邑運生彙次先生之集屬爲
序引嗚呼

敢憶昔讀書田里嘗訪鄉之前言往行庸致景仰

之私若鄭之昆季及鄒黃唐氏家率泯絕無聞獨先生克有賢子保藏

遺藁自非積德之深詎能然哉先生之沒運生時始垂髫迨今年踰六秩隱居教授子孫誦誥世守先業故訥重其請輒忘固陋僭序卷端使讀者既知先生之學之美而又知其德澤有以垂裕厥後也先生名箴字則民履歷之詳俱載同年鄉貢進士廬陵周渠仲方所爲傳茲弗贅宣德二年歲在丁未八月朔監察御史同邑後學吳訥序

永嘉集者張先生則明所著也先生始家平陽自少研窮經史欲以見於世元末遊學至姑蘇以兵亂道梗遂家常熟常熟學者爭師之舉爲州學訓導未幾轉淮安路學教授天下大亂乃棄官歸日與諸生講聖賢之道大肆力於文章國朝受命海宇寧一洪武庚戌始設科取士先生領鄉薦在高等將會試禮部而朝廷急於用人遣使者賁勅命至家授膚施知縣時兵荒之後閭井蕭然先生招輯流亡勸課農業撫循勞來出於至誠由是邑以完復旣二年用績最陞臨江府同知有善政及

人既沒人猶思之事具前侍儀使廬陵周仲方所爲傳蓋先生學問明
正而操行凜潔故所立如此平生詩文甚富經亂不存其子規收拾於
散軼之餘得若干篇皆姑蘇時所作既彙次成帙因大理寺正嚴君志
道求予序之予謂先生之學將以行之也不幸少不得行於是託於文
章以自見使先生早遇聖明以所學施於用其功業有以及人則文章
未必如是之美也自古賢人君子於文章事業往往患其難兼如漢賈
誼董仲舒黃霸龔遂其人誠偉矣然皆不能兩得而先生兼有之豈非
難哉先生之詩取法唐人皆清遠有思致所爲古文必本於經傳其義
正其辭確蓋鑿鑿乎有用之言也後之君子讀其文章而考其事業則
先

可知矣故爲序其首簡宣德三年八月既望日奉政大夫右

春坊右庶子兼翰林侍讀學士同知制誥修國史泰和王直行儉序

愛日精廬藏書志三十四永嘉集十二卷

鈔本從韻溪凡藏舊鈔本傳錄

明張箸撰嗣

子親同弟矩敬集箸字則明白號永嘉子世居溫之平陽縣元末避兵
吾邑邑人招致邑庠爲弟子師遂家焉洪武三年領鄉薦授庠施令擢
臨江府同知卒於官明初吾邑有三張先生者俱以行誼重鄉里先生
爲北張止菴先生爲東張金吾十四世祖觀復先生則南張也先生自
平陽來虞卽主吾家與觀復先生爲道義交所箸有易經精義永嘉集
長安倡和集等書今惟永嘉集存凡詩九卷文三卷合十二卷先生子
規字運生所編也

長安倡和集

愛日精廬藏書志三十四

佚

趙氏

新

行素稿

千頃堂書目十七

佚

止軒詩文集

東國詩集七

佚

千頃堂書目十七趙新行素稿東甌詩集作止軒集

陳氏

諱擊壤集乾隆平陽縣志十九

佚

乾隆平陽縣志十三洪武五年薦辟陳謙字益仲由明經授良鄉丞

案陳益仲與宋陳益之同名宋景濂嘗爲作耘軒銘見宋文憲集十八

載其官與平陽志同

項氏

伯文雲林集乾隆平陽縣志十九

佚

案雲林項巡檢伯文乾隆平陽縣志隱逸傳有傳

黃氏

性靜庵集

八卷程敏政明文衡七十七

佚

楊士奇封榮祿大夫少保戶部尚書兼武英殿大學士黃公神道碑銘
公諱性字思恭自幼穎悟不凡蚤喪父母祖母劉躬自撫育遣從學明
師時已卓然有立志讀書必尋究大義十五鄉長老試所業命賦新竹
大見賞異而操行清潔元季兵亂方國珍竊據溫台署官屬或勸公仕
正色叱之遂裹足不出公於學自幼至老不倦閒居潛心載籍喜爲詩
不事雕琢以理勝過名人制作有會意者手自抄錄晚亦喜譚道學嘗
書邵子安樂窩吟置齋壁時諷詠以自適永樂十年以子淮貴封奉政
大夫右春坊大學士洪熙初進封榮祿大夫少保戶部尚書兼武英殿
大學士公性簡澹無他嗜好所畜惟經籍法書名畫及古器物所作詩
文有靜菴集八卷藏於家逝年九十有三

明文衡
七十七

季氏

應祁

菌翁集

千頃堂書目十七○萬曆
溫州府志十七作恥菴集

佚

鹿岩樵唱

李階月泉詩派

佚

樊莊藁

月泉詩派元詩選癸集辛下○乾隆溫州府志二十七藁作集

佚

月泉詩派季應祁字君壽號恥菴別號困翁有詩曰鹿岩樵唱樊莊藁

乾隆溫州府志二十七菌翁集季應祈箸按萬厯志作恥菴集又名樊

莊集

案恥菴季明經應祁萬厯溫州府志理學傳雍正浙江通志嘉

慶瑞安縣志儒林傳並有傳其名東甌續集六千頃堂書目十

七元詩選癸集辛下

原注一作祁

及雍正浙江通志並作期溫州府

志明詩綜十五上及乾隆永嘉縣志並作祈

月泉詩派卷末姓黃准作李蘭坡墓

其亦作新乾隆溫州府志又作旂惟明李階所輯季氏月泉詩派作

祁當得其實今從之又詩派載恥菴別號困翁而黃目載其集

題菌翁困字形相近未知孰是

吳氏荃隱游小稿萬縣溫州府志十七

佚

東甌續集四吳荃字次修號隱游瑞安人

卓氏敬卓氏遺書萬縣溫州府志十七嘉慶瑞安縣志九並作卓忠貞文集乾隆溫州府志二十七作卓忠貞文集詩集今從明

史欽文志四千頃堂書目十八

五十卷明史欽文志四千頃堂書目十八○千頃堂書目十復出作二卷文瑞樓書目三同劉球卓忠貞傳作遺書十卷詩文五

卷十

佚二卷本未見

文瑞樓書目三卓氏遺書二卷明仁和卓發之輯

溫州經籍志卷二十五

卓公遺稿

一卷

孝慈堂
書目五

未見

顧問引乾坤清淑之氣鍾而爲人文上之華國家下之式鄉里生有益於時死有聞於後其吐詞舉足旣已不羣則愛而傳之非人心之所同然乎若瑞安卓公者眞其人也公之忠識人皆知之至其篇章清新粹美用意獨至造端無前若嚼冰雪而出之絕煙火而住蓬萊者豈易得哉見鳳一毛窺豹一斑亦可以知其全體況耿耿炳炳亦無隱乎爾梓之以免湮沒良有司可識所先務矣嘉靖癸丑閏月望後蘄陽顧問引傅珮序瑞安卓公之忠烈固已載之紀傳無容贅矣公尤邃學問根極義理其緒餘發爲文辭實出人意表竟不少槩見者何哉嗚呼遭遇廢常族類殄絕門生故吏畏罪遠去誰復能存之近觀文學之士道誼弗

師雕篆徒襲小有一得嘵嘵自鳴其視公之制作反泯滅殆盡可不惜哉嘉靖辛亥歲羽泉劉侯令茲土爰賙時艱俗敝雅尙節義三之日拜公祠下喟然歎曰公之忠著矣而文不傳闕典之大者孰踰此哉迺諮生儒詢耆俊窮搜遠索再歷歲月始得公序文二篇詩十六章皆清純簡逸體格自成譬若嶺梅海鶴塵土俱蛻其真出於性情者乎可以垂式矣侯迺白於少參日巖顧公公曰是吾志也發潛德之幽光者其在茲乎勿可失也時憲副聚菴谷公郡守鴻洲龔公咸以爲然遂鋟諸梓珮惟成祖靖難之後閱今百五十餘年世遠人湮典籍散逸孰知公有制作哉惟侯獨秉遠識銳志有求雖更寒暑懇切勿替詎非精神意氣若相孚契者歟故能收輯遺編復光簡冊公之神爽如覲平生可不謂之大快哉矧今世變日趨士習萎靡得公之稿而誦讀之反復之其忠義之心有不油然而生者乎是侯有功於名教非小補也侯出名臣文恭

公之裔登嘉靖庚戌科進士清才美政治行爲一時之冠云仁和虛巖山人傅珮撰

劉畿跋辛亥之秋畿承乏浙之瑞安適岳伯蘄陽顧公入賀聖壽駐節都下畿幸爲屬吏馳往謁之辱公不棄面命數懇瀕行且語之曰瑞有先達卓公遺文散逸不傳有司之責也盍往圖之畿因憶少時於紀傳中獲覩卓公立朝大節嘗想見其爲人迺今竊祿茲土叨與有司之責且重以岳伯之命敢不敬承未幾抵瑞邑得拜公遺像於祠下卽博訪其遺稿於里中緣公遭赤族而門人黃潮光者家復衰替其稿湮沒已久訪之踰年僅得其詩文若干首於邑之弟子員隨以質諸岳伯公公曰是亦足以傳矣采薇一歌尙垂不朽而況如公數首乎因題其簡端以授畿時憲伯豐潤谷公郡伯濮陽龔公方蒞茲土咸以惇教化崇節義爲首務因復質諸二公僉以爲然畿遂承命錄其稿件併傳刻之邑

齋俾邑之士民誦公之言考公之行者時興仰止之思焉而於風教將
必大有所補也或謂公事當諱畿竊以爲不然仲虺之誥無損於成湯
卽馬之諫不失爲姬武古有之矣矧成祖嘗曰不負其君惟卓敬耳使
公尙在國將大用之也又何諱焉遜志齋全集刊行久矣畿方惜公之
集未獲見其全也而江可諱乎凡我同志尙求公之全集而續梓之庶
乎不虛三公表暴之意而且以道畿有司之責茲因畿之所深望也因
感畿之先世於公有同事者其事足相發明敬附錄於後以備參考嘉
靖癸丑閏月望後賜進士第文林郎知瑞安縣事吳門後學劉畿跋
王挺跋我祖成皇靖難時卓公大節尙矣先文定往時嘗游平陽獲公
像及劉忠愍所爲傳於村學究故笥中蠹蝕四旁惟公像巋然存若有
神物護持焉者獨遺文不能多見挺竊恨之比來伏遇太岳伯日巖顧
公奉命浙藩分陝東土首訪獲公詩文若干首及前像傳遂俾安固令

尹劉公刻以傳嗟乎公之精忠大烈既炳若日星不可泯滅已今又幸
誦其詩讀其書存什一於千百慨然想見其爲人有弗感激自樹者非
夫也夫劉公爲安固令政日有聲已三膺薦剡今刻是編又附錄其先
世之蹟以備參考則其爲政務舉其大有裨風化者此亦可見其一端
云嘉靖癸丑季夏朔旦南京工部郎中同郡後學王僊跋

王諍跋予童子時則聞長老談卓公憑虎事又聞公死節事心竊奇偉
之獨未能論其世耳嘉靖癸丑秋入公鄉縣瞻拜祠下爲之於邑良其
風軌有足懷者時同年羽泉劉兄實爲邑長勅敕德政百廢聿新抑於
公之忠孝有臭味焉蓋嘗矻按公之遺文詩傳策爲一帙以示予予讀
之盡而三復公傳眞一言一淚也凡予童子時所奇偉而未能論其世
者至是有以得其槩矣嗚呼公之時如公者幾人公之後繼公者何人
後學孔嘉王諍頓首拜書遺稿後

王文遠孝慈堂書目五卓公遺稿

卓敬一惟恭

一卷顧問等序劉畿校一冊

卓忠毅公遺藁

瑞安林從炯編

三卷

憚敬大雲山房文彙二集二

未見

憚敬書後瑞安林監州從炯蒐次卓忠毅公遺藁并附各文及詩之傷忠毅者爲三卷刻之而徵辭於敬敬以名與忠毅同不敢附於篇末監州謂古者既葬而諱恐傷生者之心耳非如字之尊名後世不達此指以不斥名爲禮慎矣又諱必及其世今已去忠毅四百餘年且非臨文之義敬遂不敢辭謹按忠毅授命於建文四年其生平經濟氣節前人已表章之如日月之著矣敬所惜者劉忠愍所作原傳載忠毅著述有遺書十卷詩文五十卷今止存數十首忠毅門人黃潮光所作年譜行狀今悉不存夫古之大人具蓋世之氣全不世出之節者其生平無不

謹小慎微事事得其所處若跡弛之士感激一旦竟成其名史書及府縣志紀錄則有之必不能千百年之後人人變色動容有一百折不屈之人如在其心如出其口若忠毅方學士鐵尙書者也故敬嘗喜於詩文集求古人性情之所在年譜行狀求其瑣屑不經意之事以觀其學問之所至而惜乎忠毅之竟歸散落也李將軍名將子長記其被獲卧兩馬閒張都督百戰保江淮退之記其不忘名姓段太尉手擊朱泚子厚記其鬻馬償債皆其人精神意氣流露於不及覺者故可以爲觀人之法忠毅本學宋儒其言行必精密有步驟而竟無可考證豈不重可惜哉然忠毅遺文遺蹟雖散落幸有此數十首及忠愍所作原傳讀者能一一推之未嘗不可以測忠毅此後監州其益蒐次之或更有所得

則益幸也

大雲山房文集二

陳氏

敏雪溪集

千頃堂書目十八

佚

黃淮山西行太僕寺少卿陳公墓碑銘公諱敏允政其字也居柑溪年十八選入郡庠充弟子員洪武丁卯應鄉貢會試奏名在乙榜遂有宜興之命學校廢弛日久公申畫條約以振綱紀闡明禮義以淑人心丁外艱服闋擢建陽縣令蒞政一以惠愛廉慎爲本而濟之以明決四境之內頌聲盈耳徵拜監察御史巡歷雲南邊夷震悚鎮守北京強宗屏息平反理枉囹圄空虛秩滿書取擢任湖廣按察司僉事又九年除山西行太僕寺少卿宣德辛亥終於官舍壽七十有一所著詩文有雪溪

集十

楊氏

景衡

三山稿

嘉慶瑞安縣志九

佚

在朝稿

黃介菴集十三

盩厔縣志

卷二十五

七

佚

紫微清暇集

黃介菴集十三

佚

致事清歡集

黃介菴集十三

佚

歸田樂事集

黃介菴集十三

佚

黃淮參政致仕楊公墓誌銘公諱南字景衡以字行少從伯父滄州先生學春秋既而滄州應博學薦公卒業於前進士秦府長史栗齋林先生刻志爲文濡毫伸紙滔滔不汨先生器重之所作詩文有在朝稿及紫微清暇致事清歡歸田樂事諸集若干卷

黃介菴集十三

案曲江楊參政景衡雍正浙江通志循吏傳萬厯溫州府志宦

業傳嘉慶瑞安縣志介節傳並有傳其集名縣志經籍門所載

曰三山稿

乾隆府志經籍門作三山集

而黃文簡所作墓誌則云有在朝稿

及紫微清暇致事清歡歸田樂事諸集攷東甌續集六楊景衡號三山道人疑三山稿乃其全集之名在朝稿以下則其分題之目猶文簡退食歸田入覲三稿總題介菴集也

徐氏

懷玉

雲菴詩集

黃介菴集十一

佚

黃淮建寧府儒學訓導致仕徐公墓誌銘公諱懷玉字文玉其先淮海人宋有曰瑄者宦轍至永嘉子孫遂家焉公天資穎敏童巾選爲郡學生從景方木先生受書經木陞國子助教復從蒼巖蔣先生終其業洪武庚午領浙江鄉貢會試中乙榜除贛州府興國縣儒學教諭丁外艱起復調除沛縣儒學考滿以言事陞山東都司斷事審刑鞠獄咸得其

情尋改除湖廣都司經歷後以註誤謫戍玉田四十餘載歷涉艱苦而
所守未嘗改節洪熙改元會求賢授建寧府儒學訓導幸遂歸田之願
日與高朋雅士登臨觴詠託雲菴自號以寓出而知還之意因以名其

詩集

黃介菴集十一

金氏

原祺

梅窗彙

黃介菴集十

佚

黃淮梅窗先生金公墓誌銘公諱祺字原祺以字行公篤於孝友領癸
酉鄉薦會試奏名在乙科除吉安永豐教諭陞襄陽府教授丁內艱起
復改常州被召赴文淵閣點永樂大典凡三受聘幣典文衡教授考覈
陞記善數以言論抗直不得遂其志會丁外艱解任而歸祖居在郡城
鴈湖之濱遷居南禪湖上額其室曰還林書屋雅好梅環居植梅數本
別號梅窗從游者皆以梅窗先生稱之公之著述有詩文若干卷

此下疑奪

日梅窗彙藏於家

黃介菴集十

潘氏又奎愚莊集

一卷

千頃堂書目十八國史經籍五

佚

萬姓統譜二十五潘文奎字景昭浙江永嘉人宣德初由左春坊司直郎陞府同知清慎寬厚有豈弟之德其文章詞翰爲當時所重修國史七秉文衡陞福建布政司參議

東甌續集六潘文奎字景昭號愚莊永嘉人登進士官至湖廣參議

吳氏亨竹菴集

黃介菴集十一

佚

黃淮竹菴處士吳公墓誌銘處士學易於鄉先生張公時彥爰象大旨得其要領旁及羣書沈潛玩索其於聖賢格言必反求諸己以故立身

制行罔敢自逸晚年家務悉委諸子構一室扁曰西湖書隱植竹百餘挺日吟咏婆娑於其閒謂人曰植竹而不雜以他卉者以其虚心勁節與區區之志若有合焉因其號曰竹菴處士所作詩若干篇名曰竹菴集藏於家

黃介菴集十一

案竹菴吳處士亨永嘉人萬厯溫州府志義行傳有傳

范氏觀一齋集

四卷

黃介菴集十

佚

杜詩三百篇注

黃介菴集十

佚

陳氏銓自怡集

黃介菴集十二

佚

黃淮愚菴處士陳公墓誌銘處士諱銓字叔權愚菴其別號也居永嘉清政里生而秀穎不凡蚤失怙恃世父竹菴訓育之稍長遣從時鳴張先生學涉獵經史尤精算數法持身端謹孝友慈祥人無閒言甫成童世父歿治喪無違制莫年欲脫畧塵累築別墅於泰清鄉葛巾藜杖布襪青鞋放情泉石閒遇有所得形諸歌詠名其集曰自怡黃介菴集十二

黃氏

淮

黃文簡公介庵集

十五卷

四庫全書總目一百七十五作十一卷今從刻本

闕

翰林院儲明槩本遜學齋藏影明寫本並缺四卷

四庫全書總目一百七十五黃介菴集十一卷

浙江汪啟淑家藏本

明黃淮撰淮

有省愆集已箸錄案千頃堂書目載淮所著有介菴集歸田槩均不著卷數此本總名介菴集而分退直入覲歸田三槩疑黃虞稷未見此本但據傳聞載入也據目錄本十二卷今第七卷已佚故以十一卷箸錄

焉

浙江采集遺書總錄癸集上黃介庵集六卷

案此疑有誤

省愆集二卷

刊右本

明戶部尚書永嘉黃淮撰有介庵歸田省愆等集省愆集者成祖北征時留輔太孫漢庶人中以蜚語繫詔獄十年遂以名集

陳敬宗明故榮祿大夫少保戶部尚書兼武英殿大學士諡文簡黃公墓誌銘公所著文有介菴集歸田稿藏於家

明文衡八十九

王世貞蓺苑卮言五文章之最達者無過宋文憲濂楊文貞士奇李文正東陽王文成守仁楊尚法源出歐陽公以簡澹和易爲主而乏充拓之功至今貴之曰臺閣體胡光大楊勉仁金幼孜黃宗豫曾子啟王行儉諸公皆廬陵之羽翼也

案黃文簡介庵集世間流傳絕少焦氏國史經籍志五明史藝文志四所著錄者竝止省愆一集朱錫鬯黃虞邵廣蒐明代別

集而明詩綜十七及千頃堂書目十八所紀文簡集並以介菴

集歸田橐並列

此本明文衡陳敬宗所作墓誌疑介菴集初刻止錄退直稿其歸田入覲兩稿本別爲編文簡

卒後乃併入也通志及府縣志並同

知亦未見其書同治辛未余以應試入都段

得翰林院所儲明刻小字本驗其冊面印記卽乾隆三十八年

浙江巡撫三寶所進汪啟淑家藏本也旣遂錄其副復精勘一

過乃知明刻本十五卷缺第四至第七四卷進本經書賈移易

竄改以十四卷爲第四卷十五卷爲第五卷十三卷爲第六卷

又撤去前後敘跋及所缺四卷之目以泯其跡故 四庫提要

遂以十一卷箸錄而以爲僅缺第七一卷幸其每卷魚尾下所

記卷第及目錄築數未盡改重爲排比尙可見明槧本舊式也

印本每卷首行題黃文簡公介菴集其刊刻當在文簡卒後敘

跋旣亡今亦無從攷覈卷一至卷三爲退直稿皆永樂間在都

所作卷八至十三爲歸田稿皆宣德六年以疾乞休以後所作卷十四至十五爲入覲稿則宣德王子文簡父性卒賜葬詣闕謝時所作明史本傳載時值燈時賜遊西苑詔乘輿登萬歲山比辭歸餞之太液池此集卷十四有賜遊西苑詩序記其事甚詳又有賜遊太液池觀荷詩二首卽辭歸賜餞時所作足與本傳互證至永樂十二年文簡以漢王高煦譖繫獄十年其閒所作詩詞則別爲省愆集故不入此三稿其所缺四卷目錄亡失其仍爲退直稿抑已爲歸田稿未能臆定也文簡詩文和平雅正不愧王元美所謂臺閣體者惟取材稍隘故其文數首以後詞旨每多種復較之東里諸集益稍弛焉

省愆集

二卷

明史藝文志四 四庫全書總目一百七十七頁堂書目十八

存

遜學齋賦
明葉本

君子之於詩貴適性情之正而已蓋人生穹壤閒喜愉憂鬱安佚困窮其事非一也凡有感於其中往往於詩焉發之苟非出於性情之正其得謂之善於詩者哉觀予友少保戶部尙書兼武英殿大學士黃公宗豫省愆集之作其殆所謂吟咏性情而得其正者歟公洪武閒登進士擢中書舍人太宗皇帝入正大統首選入翰林院爲編修累拜春坊大學士以職事被譴居幽十餘年仁宗皇帝嗣位卽釋復任又累升今官公居幽時感時觸事形於賦詠積累成編名之曰省愆其志可尙也惟國家戡除暴亂而開大一統文明之運人才彙興大音復完自洪武迄今鴻儒碩彥彬彬濟濟相與詠歌太平之盛者後先相望公以高才懿學夙膺遭遇黼黻皇猷鋪張至化與世之君子頡頏振奮於詞翰之場者多矣此蓋特其一時幽寓之作而愛親忠君之念咎己自悼之懷藹

然溢於言表真和而平溫而厚恕而不傷而得夫性情之正者也於乎
建哉公閒出是集屬題其端誼不可辭遂序之如此以俟觀者宣德八
年春二月既望榮祿大夫少傅工部尚書兼謹身殿大學士知制誥國
史總裁建安楊榮序

子嘗讀歐陽永叔序梅聖俞詩謂詩必窮而後工蓋嘗疑焉及讀今少
保戶部尚書兼武英殿大學士黃公宗豫省愆集而後知永叔之言爲
然夫詩者所以宣人言詠情性豈待窮而後工乎然其所以工者必窮
居索處羈愁感憤之情鬱於中而不能暢故其發也憂深思遠慷慨激
切有非平時得意者之可比也公在洪武間以名進士授中書舍人太
宗皇帝入正大統首膺拔擢由翰林編修歷遷右春坊大學士嘗被命
輔皇太子監國朝夕左右付託隆重久之以事去職遂居幽十餘載仁
宗皇帝自東宮嗣登宸極思惟舊人再拔用公又累轉今官公在館閣

時予寔與同事凡四方萬國制命之下日不下數十固未暇於詩雖閒有所作不過黽勉酬應亦不暇於求工也是集蓋公居幽時之作凡愛君念親感時書事憂鬱自適之懷悉於是發之其言正而無邪哀而不傷詠歎而自懲紆徐委備卒本於忠厚惻怛其情藹如也殆窮而後工者歟雖然聖俞在當時低徊小官志不得奮見於事業徒於詩有稱耳若公以宏才碩學遭遇聖明垂三十年聲光著於海內其見於此者特以一時寓於羈蹇岑寂之中而發之視聖俞之終身屈抑以窮而老者可同日語耶公方以疾得告南歸閒出其集示予屬爲之序予閱之再三見公之於此畏天祇命志愈堅而操愈篤藹然忠臣孝子之思備見於情詞之間者予無以議爲矣然去此而休也吾知公怡愉恬適氣益和體益夷奉親之暇與賓客故人時時作爲詩歌更倡迭和以頌聖天子太平熙洽之盛則其和平盛大之音又非前日幽鬱之時之可比矣

予日望公尙有以賜教哉是爲序資善大夫太子少保禮部尙書兼武英殿大學士臨江金幼孜書

世自太師之職廢而閭里歌謠訖無所采所謂詩者則皆出於一時能言之士去風雅亦以遠矣然其有關於名教者恆見重於世今少保戶部尙書兼武英殿大學士永嘉黃公洪武中由進士官禁近太宗皇帝入正大統擢居翰林日侍左右公以宏達有爲之才盡心殫慮以奉其職大見信用復俾兼官僚及車駕幸北京皇太子監國公以春坊大學士輔導久之以職務被繫者若干年時其尊府封少保公及母夫人皆在堂公深自克責念君親之恩惟圖存庶報稱於萬一乃託之詩歌以舒其抑鬱憔悴之懷故凡風景之接乎目而感乎情者皆發之於詩久而成卷名之曰省愆集仁宗皇帝卽位首釋公復其官未幾進位師保人皆謂公忠孝之心無間於夷險而卒獲其報也間嘗屬予序其集鳴

呼觀公名集之義豈徒詩云乎哉古之人孝莫如舜忠莫如周公世未嘗以舜之孝周公之忠爲有餘則凡臣子之所以自處者當何如哉公蓋有見於是也夫人心之天不爲事變所移易則足以昭世教士君子取重於世者以其信道也豈徒詩云乎哉是爲序宣德七年龍集壬子春正月哉生明嘉議大夫太常卿兼翰林學士南郡楊溥序

惟我太宗文皇帝蒞阼之初誕興文治規致太平慎簡儒臣設內閣以處之俾職論思典內外制參預機要而臣淮猥以末學忝與列焉永樂己丑車駕巡狩北京今上皇帝居春宮監國臣淮偕二三輔臣承朝命俾侍左右癸巳再巡狩亦如之受命兢惕不遑夙夜誓竭駑鈍圖惟報稱然而質素愚顛以故處事乖方有不副上意旨者明年秋逮詣北京自分當被顛辟乃復蒙恩矜恤但寘之獄俾自省過一何幸也在獄踰十年懲艾之餘他無所事凡觸於目而感於心者一皆形於詩甲辰秋

伏遇今上皇帝卽位覃恩肆赦臣准獲全喘息復從諸大夫後退食之暇紬繹腹裏得詩賦詞曲合若干篇彙次成帙名之曰省愆集志不忘也嗚呼先儒論詩以爲窮而後工近古以來若李白杜甫柳子厚劉禹錫諸名公其述作皆盛於困頓鬱抑之餘至今膾炙人口淮也才不逮古人處困日久而囹圄禁且嚴目不覩編簡手不親筆札口不接賓客之談舊學日益耗落氣愈昏而趣愈卑志愈窮而辭愈拙深可愧也然而篇什所載或追想平昔見聞以鋪張朝廷盛美或懷恩戀闕以致願報之私或願望咨嗟以興庭闈之念至於逢時遇景遣興怡神一皆出於至情益亦不可廢也是用藏之巾笥以貽子孫俾覽者知予處困之大略工拙云乎哉是年九月朔日介菴居士黃淮序

讀吾友少保黃公永樂中所作省愆詩集至於一再蓋幾於痛定思痛不能不太息流涕於往事焉初太宗皇帝將巡北京召吏部尚書兼詹

事憲義兵部尙書兼詹事金忠右春坊大學士兼翰林侍讀黃淮左春坊左諭德兼翰林侍講楊士奇論之曰居守事重今文臣中簡留汝四人輔導監國昔唐太宗簡輔監國必付房玄齡汝等宜識朕此意敬共無怠四臣皆拜稽受命其後凡下璽書諭幾務必四臣與聞時仁宗皇帝在東宮所以禮遇四臣甚厚而支庶有留京邸潛志奪嫡者日夜窺伺間隙從而張虛駕妄以爲監國之過又結嬖近助於內賴上聖明終不爲惑然爲宮臣者得懍懍兢兢數見頌繫雖四臣不免或浹旬或累月惟淮一滯十年蓋鄒孟氏所謂莫之致而至者也夫莫之致而至君子何容心哉亦反求諸己耳此省愆之所以著志也嗟乎四臣者今蹇黃二公及予幸尙在去險卽夷皆二聖之賜而古人安不忘危之戒君子反躬脩省之誠在吾徒不可一日而忽之也故謹書於集後以歸黃公亦以自儆云耳宣德癸丑四月庚子榮祿大夫少傅兵部尙書兼華

蓋大學士廬陵楊士奇題

廬陵歐陽文忠公序薛簡肅之文謂君子之學施之事業見於文章常患其難兼蓋歎其窮達所志不同而兼之者之罕遇也若夫少保戶部尚書兼武英殿大學士永嘉黃先生負光明俊偉之資際重熙累洽之世事業顯於朝廷文章播於寰宇受知聖主輔導春宮雄才碩學足以掌宣帝制潤色鴻業者海內之士類能傳誦之至若居幽處獨發之於心形之於言聯篇累牘珠光玉潔無憂愁鬱抑之氣有反躬自咎之心而忠君愛親之念未嘗有斯須而替可謂得乎性情之正自非忠孝兩全文章事業兼備者疇克爾耶邇者行部是郡先生出示茲集捧誦數四何其精純而浩博也因請於先生曰是集不可以不傳先生固辭力請乃許遂捐俸銀諸文梓以惠後學賦詩詞總四百有奇而以省愆名之噫荆山之玉豐城之劍豈窮山枯壤所能久於沈埋哉將必有卞張

者出而知其爲希世之珍也知言之士幸其寶之正統八年二月朔日
中憲大夫浙江等處提刑按察司副使京口王豫謹書

百川書志十六省愆集二卷少保戶部尙書兼武英殿大學士永嘉黃
淮宗豫撰詩詞四百有奇

四庫全書總目一百七十省愆集二卷

江西巡撫
採進本

明黃淮撰淮字宗豫

永嘉人洪武丁丑進士除中書舍人燕王篡位命入直文淵閣陞翰林
院編修累進右春坊大學士輔皇太子監國爲漢王高煦所譖坐繫詔
獄十年洪熙初復官授武英殿大學士累加少保卒謚文簡事蹟具明
史本傳淮當革除之際身事兩朝不免爲白圭之玷史又言淮性頗隘
同列有小過輒以聞解縉之死淮有力焉人品亦不甚醇然通達治體
多所獻替其輔導仁宗從容調護尤爲有功雖以是被謗獲罪而賜環
以後復躋禁近迨至引年歸里受三朝寵遇者又數十年遭際之隆幾

與三楊相埒其文章春容安雅亦與三楊體格略同此集乃其繫獄時所作故以省愆爲名當患難幽憂之日而和平溫厚無所怨尤可謂不失風人之旨故特存之以見其著作之梗概至其退直入覲歸田三稔同編爲介菴集者門徑與三楊不異東里諸集旣已著錄則是可姑置焉

陳敬宗明故榮祿大夫少保戶部尙書兼武英殿大學士諡文簡黃公墓誌銘永樂癸巳車駕再巡狩公留守時漢王潛蓄奪嫡之志忌公獨深日夜窺伺閒隙流言監國之過公遂不免一滯十年處困中惟日賦詩以自遣形於詩者無非引咎責躬之言名曰省愆集明文卷八十九

鄭曉吾學編 黃淮永樂十二年坐奉表迎上不敬逮詔獄凡十年在獄中有省愆集二卷

周天錫慎江詩類二邵少文曰黃宗豫有省愆集五言古頗簡潔

靜志居詩話長陵北征留文簡輔皇太孫漢庶人中以蜚語繫詔獄十年遂以省愆名集集中詩所云寶劍虢豐城爛斑土花碧又云十年頓足園扉閒時向牆頭看柳色是也因是受知宣廟特深當其入朝賜游西苑肩輿登萬歲山宴太液池親灑宸翰贈行有云朝旭光升紫殿清相對清言良慰情留之累月不盡意歸心又欲東南征鴈宕峰高高不極中有謝公舊游蹟采芝勵答可長年應在天南憶天北君臣相悅可謂千載一時

明詩綜十七

案省愆集二卷皆文簡永樂十二年閏九月以漢王高煦譖繫獄十年獄中所作詩文上卷爲賦二首及四言五言七言古詩長短句五言律詩下卷爲七言律詩排律五言六言七言絕句而以詞二十四闕附焉陳敬宗作行狀述此集止云詩蓋撮舉其多者耳集中五言古詩頗饒古韻餘體則長短互見蓋身處

憂患抑鬱無慘藉此以自排遣本無意於求工至朱竹垞所舉
寶劍薶豐城一聯今見五言擬古詩第二首十年頓足圖屏間
一聯見長短句柳絲長篇亦非集中佳句也其詞高儒百川書
志析箸其目曰省愆詞實卽此本辨詳二十五卷詞曲類省愆
詞下

劉氏

觀

挂笏軒集

千頃堂書目十七

佚

劉氏

現

劉編修文集

黃介菴集三

佚

黃淮後序右詩文集凡若干卷余友劉君朝紳所撰也朝紳卒之又明
年其伯氏朝縉來典京闈文衡旣竣事謁余官舍因出詩集徵余序余
童中時與靖安教諭徐君叔鉉暨朝紳相繼入邑庠爲弟子員年均而

志同氣合而情篤朝夕聚處未嘗違離披經閱史交相問難必求至當
每一文之成轉相傳誦是是非非具道其實切磋琢磨之益固不少矣
閒於燈窗論及出處大節朝紳昌言曰他日宦游四方苟得同官同事
誠爲至幸蓋不敢必也未幾叔鉉由鄉貢除教職余亦竊祿於朝遐想
朝紳之言慨然興歎洪武庚辰春策試天下士子余忝充彌封官朝紳
對策合格除翰林編修按現實建文庚辰胡廣榜進士文簡此敘作於革除以後故仍以洪武紀年余亦以
是年轉翰林侍書獲遂疇昔之願然所恨者叔鉉先已物故不得與此
樂耳余不自揆竊與朝紳相期以遠大事業孰謂朝紳嬰疾而歸遂成
永訣今所存者徒託空言而已良可悲夫雖然人生世間窮通壽夭各
有定分沒而無聞雖壽何益沒而不朽雖夭亦壽顏淵非不夭也百世
之下五尺童子皆知亞聖賈誼非不夭也雄詞大篇照曠千古讀者莫
不敬慕蓋顏以德行稱賈以文章箸所存雖有不同而其播遺芳揚令

譽於後世者未始有異也朝紳天資純篤操履端方德之所蘊固厚矣
乃父貢禹先生嘗爲郡學訓導粹於理而長於文朝縉循循雅飭克紹
父業父子兄弟自相師友朝紳積之久資之深發之於述作若金之在
鎔隨範而成器水之赴壑沛然莫之能禦嗚呼朝紳之德行文章兼優
而並美若此何患泯滅無聞乎昔歐陽公序其友蘇子美之文嘗曰斯
文金玉也其見遺於當時必有收而寶之於後者若吾朝紳之文豈徒
金玉云乎哉然其功業未著實志以沒是乃天之所命非人所爲亦復
何憾九原有知必以余言爲然

黃介菴集三

雲露集

千頃堂書目十八

未見

自序聖人之言本諸道者也故六經傳之萬世而無弊下此雖以子雲
之多才博識而覆瓿之譏不免焉然則後世徒廢精神於筆墨閒者無

益也此集不可作也以吾之得於心也必慎而勿矜其形於辭也若流而不塞夫豈無一言之幾於道乎有一言之幾於道亦君子之所不棄也故書以娛之

慎江文徵
三十三

案劉編修現訓導南金子乾隆溫州府志介節傳咸豐永嘉縣志宦業傳並有傳李象坤和菴集書劉受歿所鐫報國錄後謂雲露集爲編修兄觀與楊文貞士奇金文靖幼孜共哀梓盡削去觚棱之作

詳卷九報國錄下

蓋已非全槩然明刊本久佚報國錄今亦未見傳本亦編修之不幸也

劉氏

觀

親窩集

千頃堂書目十七

佚

乾隆溫州府志二十七親窩集永嘉劉觀字顯安著

案劉顯安事跡無攷千頃堂書目列其集於洪武時疑亦劉編

修現第行也

曹氏

介 乘攬集

乾隆溫州府志二十七

佚

東甌詩集七曹介字子直永嘉人官至監察御史

東甌詩存十五作洪武中監察御史

嘉慶瑞安縣志七曹介秀才監察御史善詩文

萬厓溫州府志十作永嘉人與東甌詩集同

潘氏

繼 樗菴集

乾隆永嘉縣志二十

佚

乾隆永嘉縣志二十洪武歲貢潘繼字民止翰林院典籍修洪武寶錄

永樂大典成陞檢討質敏性孝有樗菴集

孔氏

希直

希古集

乾隆溫州府志二十七

佚

王氏

宗遠

謝菴集

千頃堂書目十七雍正浙江通志二百四十九乾隆溫州府志二十七並作伶齋集今從乾隆平陽縣志十九

十卷乾隆平陽縣志十九

佚

案肅菴王副都宗遠萬厯溫州府志宦業傳乾隆平陽縣志名

臣傳並有傳

王氏宗彥水軒集乾隆溫州府志二十七

佚

案王治中宗彥副都宗遠弟乾隆平陽縣志宦業傳有傳

王氏宗祥冷齋集乾隆平陽縣志十九。千頃堂書目十七雍正浙江通志二百四十九乾隆溫州府志二十七並作王宗遠撰

佚

乾隆平陽縣志十五王宗彥弟宗祥名璩授鳳陽府教授著冷齋集翰

林學士呂升銘其墓

章氏功懋雪舟吟稿千頃堂書目十七

佚

千頃堂書目十七章功懋雪舟吟稿字子勉平陽人

乾隆平陽縣志十三洪武十三年薦辟章功懋居白沙授興山丞

方氏

子深

葺集集

乾隆溫州府志二十七

佚

乾隆平陽縣志十五方子深所著葺集等集皆亡於寇亂

案果菴方郎中子深乾隆平陽縣志忠臣傳有傳

林氏

文莊

觀光集

一卷

乾隆平陽縣志十九

佚

乾隆平陽縣志十二洪武十五年薦辟林文莊居林家埠由人才授興

山諭

東甌詩集七林文莊平陽宋步人景英孫興山教諭

梅氏

顧

蘇菴集

千頃堂書目十七。東甌詩存十六作蘇問存稿萬縣溫州府志十七作梅昌年集

未見

東甌詩存十六梅頤著有蘇閣存稿

案東甌詩存十六於蘇閣存稿下云錄詩二十首攷曾書例凡

集佚者曰存詩若干首存者曰錄詩若干首則存稿舊本曾氏

固嘗見之今不知何可搜訪否閣即菴本字

書無逸高宗梁閣詩商頤疏引鄭注

楸謂之梁閣謂廬也後世展轉訛謬昧其本始閣廬之間遂別

作庵菴二字庵始見漢劉熙釋名魏張揖廣雅慈見漢書司馬

相如傳為菴蘭草名菴廬之意始見後漢書皇甫規傳三國志

諸葛亮傳裴松之注並說文所無明初人猶有知此字當為閣

者黃介菴集三有六合史東甌詩集正蒙求下及千頃堂書

王氏

毓

槐陰集

千頃堂書目十九

目竝作菴從俗寫也

佚

金原祺序詩者志之所發也故曰詩言志志有不同而辭亦隨之通顯之人其辭侈困厄之人其辭抑隱逸之人其辭適曠達之人其辭放皆所以摭其志也永嘉之俗昔稱鄒魯比染胡元遺習華宗巨族率上氣勢豪俠視行誼文學左甚惟處士王尹成氏拔於流俗讀書學古樂與賢士君子游好揚榘古今人物得失尤善於詩歌不事險澀不求奇巧惟心所適矢口成章而興致高遠可謂隱逸曠達之辭矣卽其存稿自題曰槐陰集屬予序予託交於處士稔其行仗義疏財能周人急備儻軒豁素以豪傑自命而著作翩翩情瀾湧發又能寫其隱居之樂信爲一世之高士也已槐陰名集王之業其將與魏而俱萌哉處士名毓號樵雲尹成其字也世居永嘉之英橋里

世江文徵三十三

王叔果書後先四世祖樵雲翁著詩三百餘篇樂府二十六闕蔚然成

家先正章恭毅公校而序之族祖夢竹公刻置家塾歲久散亡過半比族子如珪出示家所藏舊本果喜不自勝隨命兒輩校錄重刻以示子姓夫翁當草昧之餘幹蠱貽燕日不暇給顧寄興林泉屏精翰墨卽其感遇紀述不惟想見襟度曠夷志識軒卓而生平履歷因可概徵後之人誦其詩論其世仁孝之心不油然而生哉槐陰名集翁託意微遠樹德發祥開先有自斌斌甄文又其緒餘焉爾矣

半山藏稿

王世貞王樵雲公傳樵雲公者王氏諱毓字尹成溫之永嘉人嘗葬其父珍矣而不忍去也廬其傍扁曰樵雲而公又好詩多與其社中人唱和社中人亦遂呼之曰樵雲公云自先世居永嘉之華蓋鄉英橋里俱有隱德以壽考終而俱單傳至公乃遂有七子公少侍其父珍謹甚恆韋韞而治饗膳旣成則衣冠而薦之偶睨竟餐覆器乃退不啻屏營不自容亦竟遜匕箸矣閒小失父意長跪謝過非強之起不起也公又好

施予以軀赴人之急比鄰火數十百家皆燼公指廩而予之俾稱力自
取給其它孤寡毋論疎戚以指計衣食視公若庫庾也公一言而取成
者奉以爲符節毋爽矣

弁州山人四
部稿八十四

咸豐永嘉縣志二十案叔果作家傳稱樵雲翁善詩歌所著有槐陰集
蛙鳴鼓吹尙書章恭毅公序之梓藏家塾蛙鳴鼓吹當卽叔果書後所
云樂府二十六闕之集名叔果得舊本校錄重刊卽附刻槐陰集之後
故書後不言及蛙鳴鼓吹之名今亦從其例不別標目焉

林氏

失名

東愚集

乾隆溫州府
志二十七

佚

乾隆平陽縣志十六明林東愚居南湖

案東甌續集五有林東愚秋興詩一篇序次在高明後不詳其
籍貫時代其詩有落日江城動鼓鼙江山千里轉逶迤之句似

以避地流寓他鄉者續集以林東愚爲姓名然不宜以名題集

當是字與別號東甌詩集續集所載誤以字號爲名者甚多今姑闕之

陳氏墳白雲集乾隆溫州府志二十七

佚

乾隆平陽縣志十六明陳墳字允和居仙居號白雲友

案東甌續集六載陳允和詩二首注云平陽人顧氏元詩選癸

集戊上亦載之

陳氏仲能鼓缶集乾隆溫州府志二十七

佚

東甌續集六陳仲能平陽人

案東甌續集六錄陳仲能詩二首次潘文奎後

張氏璫恆菴集乾隆溫州府志二十七。乾隆平陽縣志十九集作彙

溫州縣志卷二十五

佚

乾隆平陽縣志十六明張璠字季常居南山號恆菴

案東甌續集七載張璠詩一首注云平陽人東甌詩存十五同元詩選

癸集皮上亦載之當即恆菴也溫州府志作盧平陽縣志作璠

並形聲相近而誤今據續集及元詩選正之

又案自林東愚以下四人時代並無可攷陳垣張璠二人顧氏

收入元詩選殊無塙證東甌續集敘次先後亦漫無義例未足

依據惟續集為趙諫所編東愚諸人詩既經采錄其人當必在

弘治以前疑以傳疑姑附之明初諸人之末以俟續攷

王氏宏節菴詩集萬縣溫州府志十七

佚

王氏鑑鈞軒詩集萬縣溫州府志十七

佚

乾隆溫州府志二十七筠軒詩集永嘉王鏐箸

案王宏王鏐時代事蹟並無攷所箸詩集載萬厯溫州府志藝文門廂於明初諸人箸述間今亦附於此

吳氏

致文

恕菴集

乾隆平陽縣志十九

佚

吳翰林集

乾隆溫州府志二十七

佚

案恕菴吳知府致文乾隆溫州府志介節傳乾隆平陽縣志宦

業傳並有傳

方氏

祖安

燕石稿

千頃堂書目十八。萬厯溫州府志十七燕作燕

佚

乾隆溫州府志十明永樂辛卯舉人方祖安永嘉人任刑科給事中

方氏以正

藏山名世集

千頃堂書目十八。乾隆溫州府志二十七作藏名山詩集誤

佚

陳氏

端

陳執中文集

乾隆平陽縣志十九

佚

案陳通判端乾隆平陽縣志宦業傳有傳

張氏

眞

錦屏集

千頃堂書目十八

佚

萬厓溫州府志十明永樂乙未陳循榜進士張眞平陽人任太常博士

東甌詩存十七張眞字行素平陽人永樂乙未進士官安陸州判官

戴氏

時雨

錦舟集

千頃堂書目十八

佚

東甌續集七戴時雨字伯時號錦舟永嘉人由舉人任訓導

乾隆溫州府志十九明永樂甲午舉人戴時雨永嘉人崇仁訓導

鄭氏夏迪齋詩文集乾隆溫州府志二十七

佚

案迪齋鄭御史夏乾隆溫州府志仕績傳道光樂清縣志介節

傳並有傳

陳氏聳陳光言集千頃堂書目十八

佚

東甌續集七陳聳字光言永嘉人中解元登進士授知縣

萬厯溫州府志十明永樂辛丑曾鶴齡榜進士陳聳永嘉人會魁內江

知縣

范氏霖就正稿千頃堂書目十九

溫州經籍志卷二十五

佚

宦游稿

千頃堂書
目十九

佚

皇華集

千頃堂書
目十九

佚

柏臺稿

千頃堂書
目十九

佚

松月集

雍正浙江通志
二百四十九

佚

案范御史霖一齋處士觀子雍正浙江通志介節傳萬厯溫州

府志宦業傳道光樂清縣志名臣傳並有傳

孔氏

鐸

循菴稿

乾隆溫州府志二十七。乾
隆平陽縣志十九稿作集

佚

乾隆平陽縣志十二永樂癸卯舉人孔鐸字公循性淳篤福安教諭陞國子助教翰林院檢討

虞氏

原祐宜齋吟稿環菴遺稿十

佚

虞書咏蔡節婦詩附識此書從七世祖宜齋公之所作也爲吾環祖兄諱原祐號宜齋博聞強記亦善吟咏嘗與環祖唱和有宜齋吟稿今散佚無存僅遺此詩環菴遺稿十

虞氏

原璩環菴先生遺稿千頃堂書目十八作環菴集今從鈔本

十卷

嘉慶瑞安縣志九〇千頃堂書目十八無卷數

存

遜學齋藏鈔本

余自童子時習聞雙橋里有虞環菴先生以布衣而友搢紳雖名公郡

守亦折節下交意先生何修而得此頃聞先生耳孫紫山丈輯先生遺稿增錄諸公輓詩賀章類籍內有郡守何東園公奠文道當時政事多所裨助少保黃介菴公誌墓稱文皇徵修大典事竣將受官不拜以母老乞歸養中途聞訃幾隕絕泊抵家卽杜門著述吟咏以自適乃知先生學邃而行修道明而詣遠故東園公陟名卿上

猶懷故

誼介菴公以名輔操史 闢揚盛美不一而足皆鑿鑿有明證也迄今百數十年讀二公諷詠先生遺詩猶肅然興歆然伏求爲執鞭而不可得矧在當時親聆聲欬炙光範者有不愛且敬焉否也紫山丈仕不縉身孝不忘祖其勵行其著述奉揚先生遺韻自投紱歸林壑卽搜拾故篋購求逸稿得先生諸體若干篇與家父老子姓其繡諸梓使月旦評騰風雅遺音將爲論世尙友者典刑盛意哉盛意哉因役余序後生末學詎敢置一喙紫山丈比居日過囑不容已爰揭數言於簡端分鼎鑿

窺豹斑余何幸而與名於斯刻萬歷甲申上元日後學懷東林萬梅頓
首拜序

是爲虞徵君環菴翁詩刻也徵君臨世濯足邁跡一邱王公大人不能
器之炳炳敘傳中矣奚鄙言爲顧其遺稿大雅希聲散佚二百年逾耳
孫君師中父殷念堅緒兩任遂辭養歸延訪哀輯更數寒暑始就茲帙
俾後之作者頌詩以知其人匪徵君佑啟俟之哉古鼎銘云君子論譔
其先祖之美而明著之後世以比其身先祖有美而弗知不明也知而
弗傳不仁也案此祭統語非鼎銘此蓋因祭統載孔悝鼎銘而誤憶也藉使耳孫君明弗足以見仁
弗足以與則雖有志斯帙其如莫慰乎哉故曰歟之歟之是祖是孫其
不朽者遠乎君與余莫逆謂余贊厥成不可無紀爰忘固陋僭穢佛頂
爲當代大書徵君者引玉焉萬曆癸未菊月冬日後學亦山人陳大訓
頓首拜書於沙隄襄古草堂

余讀環菴虞聘君詩論其世未嘗不泫然三復流涕也聘君茂膺徵命纂修國典而卒辭榮歸隱何心哉噫聘君革除年之遺黎也行卓而不羣德深而不露世罕知之其奇氣勁節往往見於吟咏閒松棚章絕命辭可覩也至與三山翁雪齋翁諸篇再三往復不厭而省愆公獨靳靳然雖當時重誼樂聚或不容默然而編成削而不存至鐫碑之作三致意焉此其心不較箸耶夫革除諸君子說者稱殷之頑民曷故哉元季綱常蝕滅漸盡矣我皇祖起而培之迺克復三五醕洊以故仁人節士駢首蹈鼎鑊不顧而深

遠害而不激且隨焉昭代人心風俗胡邳隆也是編也氣運之厚教化之醇人品之度越咸可觀已詎可以常調麗詞而漫視之哉耳孫紫山君書

莊皇帝

以直道左遷淮南參軍積學富文尤善吟咏與余有通家之雅茲謝政家居首輯是稿屬余校訂余惟聘君實瑞文獻翹楚

承學輩敢輕置喙哉第下問縷縷誼不容辭因翻閱是稿之編或漏而未真或類而未粹輒忘庸陋僭爲評隲削繁瑣刊重複芟不類俾一歸於馴雅間有事關國典誼切民彝雖眇唐綽亦表而存之又竊以已意時爲詮釋刊正者懼失真也詎敢曰後世之子雲耶萬曆辛巳九日末學仲山林尙春頓首謹序

案慎江文徵三十六載此敘刪改過半今不備校

書幼閱邑志書其所載書目俱有環菴集下註係雙橋虞原璩撰因徧訪士林中鮮有存其本者繼而訪之郡藏宿胥彼云初入藏時尙見數板今蠹無存矣嘉靖癸丑書始詣雙橋展謁祠墓見羅南格齋二先生叔手付環祖晚年親筆草稿又鈔稿又原刻集目錄各一帙書拜受而歸時方縻於經生業閱竟而珍藏之奚遑料理也迄今幾三十年中經回祿書籍散亡過半而此稿獨無恙是吾祖之陰靈有以護之者萬厯己卯書謝事淮南歸隱崑峰

膳輯成卷得各體詩約五百

餘首迺懇亦山陳丈校之 其逸

目復懇仲山林丈覆

校之又芟其贗複者近百首存詩僅七十餘

惠以後序

書迺分體類從析爲九卷末輯附錄 其通計其

黃文簡

公所誌卷數脗合繕寫成帙陳丈因題之曰環菴先生遺稿遂謀繙梓
緣工費不足朞月未成適我少尹麻城 溪周侯語及欣給俸金助梓
以癸未冬日訖工先簡召父母南昌應川 因祭稽查鄉賢壞失

位慨然復我祖祀懿哉二侯其善成人之美者與恨書謝陋鮮聞陸
沈闕柝罔克闡揚先烈所幸手澤尙存輒妄爲之修輯此心惓惓如狂
如醉恆廢寢食端有類於蓮池季氏彥良之所爲者矣尙冀好古博雅
君子或嘗傳拾吾祖之遺文遺墨者惠然見示以成完集以竟鄙志則
書沒齒傾心自幸無涯矣用識輯梓之歲月於卷末如此萬歷十一年
歲舍癸未冬十月吉旦恩選徵仕郎淮南參軍初孫書謹跋

尤佳序吾邑環菴虞先生學古而識博有溫柔端厚之德以和其氣有直方樸雅之操以正其情以是發而爲詩咸極理致自年十二三時賦詩便有驚人語比其季年所作尤善沁園春松棚等篇蓋易質前數日賦也談者謂得風雅遺旨平生著述甚富有文集九卷禮記稽疑一卷古稀稿一卷詩蓋其一也

遺藁十增錄○原注右見覓峯尤性詩集序案蓋初刻詩集之序虞書重輯時已殘缺不完故僅錄其略也

今亦增載於此

黃淮環菴先生墓誌銘先生爲文嚴密峻整而新意迭出詩思雲蒸泉湧援筆立就所著詩文集凡十卷藏於家

遺稿十增錄

案黃文簡作環菴墓誌云詩文集十卷其本明萬厯中已無完帙後遂不傳今所見遺稿乃其六世孫淮安衛經歷書採輯手槁及初刻殘本編成林尙春爲之刪定仍爲十卷前九卷凡各體詩二百七十餘篇均以詩餘四篇末卷爲誌銘別傳祭文輓

概文則無復一字若所作枯蒼嶺卻金館記但節存數語於增錄中蓋其佚者多矣環菴爲革除遺老雖嘗應修永樂大典之聘卒不受官其志節足與龔詡諸人埒至於行誼粹篤尤爲知府何文淵所推惟詩文直抒胸臆不甚擅場然人品既高神思自遠此集所存雖不能方軌高楊以視明季山人曼聲側調以詩文爲交通聲氣之具者不啻天壤矣書所編輯亦尙詳審如題蔡節婦卷遺棄題孫雪齋梅花圖題沈惟貞畊牧圖並遺棄詩並從故家所藏手蹟錄入又送高廷璧指揮使征括寇詩則注見浙音會略遺棄輓金伯遜詩則注見昆陽江南文獻遺棄皆一一揭其援據至第八卷附奉送郡守何東園公應召赴京二十韻詩詩匹而亦增存其目足徵珍重手澤之意惟書中間

存陳大訓林尙春評語則爲明以來編刻詩集之陋習耳

顓蒙錄

環菴遺稿十○嘉慶瑞安縣志九韻作穎

佚

聚樂稿

環菴遺稿十○嘉慶瑞安縣志九作聚樂堂藁

佚

倪氏

寅觀光集千頃堂書目十九○萬厓溫州府志十七集作稿

佚

案澹菴倪明經寅萬厓溫州府志嘉慶瑞安縣志隱逸傳並有傳虞原璩環菴遺稿六和澹菴倪子賓韻詩後增載倪氏原詩虞書注云澹菴詩集題云有懷虞梅軒兼奉環菴先生所謂澹菴詩集當卽此集也

季氏

德基

蘭坡初編稿

三卷 月泉詩派。千頃堂書目十七作蘭坡遺集。萬厯溫州府志十七作蘭坡遺稿並無卷數。

佚

續稿

五卷 月泉詩派

佚

擬進時務策

一卷 月泉詩派

佚

黃淮季蘭坡墓誌銘先生文章瞻蔚雋偉而更善詩尤喜作排律五六
十韻操觚立就有蘭坡初此下疑稿三卷續稿五卷擬進時務策一卷

藏於家 月泉詩派。黃介菴集缺。

月泉詩派季德幾字武抑恥菴子也有蘭坡初編稿三卷續稿五卷

案蘭坡季處士德基萬厓溫州府志義行傳嘉慶瑞安縣志隱逸傳並有傳東甌續集六千頃堂書目十七東甌詩存十八並作德璣月泉詩派作德幾黃文簡所作墓誌同萬厓府志以其字武抑推之則府縣志疑不誤乾隆溫州府志經籍門別載竹所翁集亦云德基撰嘉慶瑞安縣志蓋誤以季正中集屬之蘭坡也

季氏

德珍

竹所翁集

月泉詩派作季德琦竹所集乾隆溫州府志二

一卷

月泉詩派。千頃堂書目十八無卷數

伏

東甌續集六季德珍字正中號竹所德璣弟

月泉詩派季德琦字正中號竹所居仙源蘭坡弟也有竹所集一卷

金氏

軒集蓼生彙

乾隆平陽縣志十九。乾隆溫州府志二十。七稿作集東甌詩存十七作蓼生詩集誤

佚

王朝佐序嗚呼此金先生之文也先生逝矣而其餘稿尙存予得備讀之然後知先生之爲人有縣崖裂石之操有寵辱俱忘之樂有大庇天下之仁故其爲文明白縝密溫潤從容大篇短章出入百家放逸馳騁而卒歸之正雖其悽愴鬱抑之意較多而不害其爲和平雅淡之音也予自髫髻時聞鄉先生論吾邑國初人物必以屬之先生初莫知爲誰何旣而讀其文論其世不覺斂衽起敬惜其不一用於世以見諸施行爲可恨也先生名軒字伯遜平陽之金舟人洪武初詔起山林遺逸郡邑以先生應聘幣走其門者五六先生以母老辭不起自號集蓼以示隱居若淡之志然當是時武人崛起聚斂頗急民或不聊其生先生雖處山林而心憂焉永樂初太宗登極勵精太平乃爲書萬言上之其目曰尙治道廣招賢選守令興武學擇掌印輕賦稅整旌善行家禮大槩

以天下之治宜躋之以仁義禮樂而守成之與創業微有不同當少損益之其言鑿鑿皆切實中時病上下其章適朝議不合竟困頓以死嗚呼悲夫先生之不遇也朝廷今治安百有餘年中閒斟酌損益禮樂法度粲然備舉視先生所陳無不脗合豈先生既歿之後其言亦畧施行之乎先生於書無所不讀尤精於易每布耆定爻吉凶休咎其應如響故遠近士大夫無問識不識皆知先生皆爲先生惜正統閒纂修邑乘嘗採其槩近續修者乃或削之于重嘆先生之不遇也雖然先生之言雖不合於一時而卒行於後日作史者固當大書特書豈止一邑乘而已乎然則先生亦未爲終不遇焉耳先生之孫元奎從事京師讀書好義克世其業手鈔先生遺稿詩凡若干首文若干首懼其久而泯也將刻諸梓以藏於家俾予序嗚呼晚學小生何敢以序先生之文然元奎與予交且佐又邑人也景仰有素誼不可辭遂僭書以俟

乾隆平陽縣志十九

案金處士軒一名伯遜乾隆平陽縣志文苑傳有傳

東甌續集七載其詩

作金伯遜

陳氏文朴菴集

東甌續集七

佚

東甌續集七陳文字彥章號朴菴官至都指揮致仕有朴菴集

案陳朴菴時代無攷東甌續集載其詩三首在金伯遜後今附

於此

蔡氏鼎

西巖集

乾隆溫州府志二十七。嘉慶瑞安縣志九集作稿

佚

嘉慶瑞安縣志七明薦辟蔡鼎幼童大理寺副疏乞終養事父敬嚴壽

至九十七

案雍正泰順縣志八載元吳子美教授生徒講論理學瑞安大

理寺副蔡鼎少師之又萬厯溫州府志十二任道遜傳亦載與

吳祚蔡鼎結清樂會倡和吟咏則鼎蓋洪武永樂間人也

任氏道遜

集雲山樵文集嘉慶瑞安縣志九

佚

竹亭稿嘉慶瑞安縣志九

佚

歸田百咏乾隆溫州府志二十七

佚

雅鳴集嘉慶瑞安縣志九

佚

匏翁家藏集嘉慶瑞安縣志九

佚

溫州經籍志

卷二十五終

美

坦然子集

萬厓溫州府志十七

佚

感興詩

嘉慶瑞安縣志九

佚

溫州經籍志卷二十五終

餘杭章見伊校